

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski načelnik  
Broj: 02/12-19-19521/24  
Sarajevo, 30.8.2024. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14 i 59/22 i 50/24), člana 3. Pravilnika o provođenju zajedničke nabavke, centralizovane nabavke i uspostavljanju centralnog nabavnog organa („Službeni glasnik BiH“, broj 29/24) i člana 6. Sporazuma o sufinansiranju adaptacije poslovnih prostora za potrebe predškolskog odgoja i obrazovanja broj 02/08-19-28002/23 od 13.12.2023. godine i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine, a na preporuku Komisije za javnu nabavku radova imenovanu rješenjem broj 02/02-04-17502/24 od 03.7.2024. godine, Općinski načelnik donosi:

## ODLUKU

### **o izboru najpovoljnijeg ponuđača u predmetu zajedničke javne nabavke – Adaptacija poslovnih prostora u ulici O.R.B. br. 3-5 za potrebe predškolskog odgoja i obrazovanja**

Ugovor za javnu nabavku u predmetu – Adaptacija poslovnih prostora u ulici O.R.B. br. 3-5 za potrebe predškolskog odgoja i obrazovanja, broj obavještenja 422-1-3-161-3-217/24, objavljeno na Portalu javnih nabavki dana 01.8.2024. godine i “Službenom glasniku BiH- Oglasnik javne nabavke”, br. 54/24, dodjeljuje se najpovoljnijem ponuđaču „Centar-Han” d.o.o. Sarajevo sa ponudom u iznosu od 512.815,30 KM bez PDV-a, odnosno 599.993,90 KM sa PDV-om.

## II

Zadužuje se Služba za zajedničke poslove da ovu Odluku objavi na web stranici Općine, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

## III

Obavezuje se ponuđač iz tačke I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda. Konstatuje se da je ponuđač iz tačke I ove Odluke dostavio dokumente tražene u tački 3.3.2. tenderske dokumentacije koja se odnosi na ekonomsku i finansijsku sposobnost.

## Obrazloženje

Odlukom broj 02/12-19-19521/24 od 30.7.2024. godine Općina Novi Grad Sarajevo pokrenula je postupak zajedničke javne nabavke sa Gradom Sarajevo – **Adaptacija poslovnih prostora u ulici O.R.B. br. 3-5 za potrebe predškolskog odgoja i obrazovanja**, broj obavještenja 422-1-3-161-3-217/24, objavljeno na Portalu javnih nabavki dana 01.8.2024. godine i “Službenom glasniku BiH- Oglasnik javne nabavke”, br. 54/24. Predmetni postupak zajedničke javne nabavke pokrenut je sa Gradom Sarajevo na osnovu člana 3. Pravilnika o provođenju zajedničke nabavke, centralizovane nabavke i uspostavljanju centralnog nabavnog organa („Službeni glasnik BiH“, broj 29/24) i člana 6. Sporazuma o sufinansiranju adaptacije poslovnih prostora za potrebe predškolskog odgoja i obrazovanja broj 02/08-19-28002/23 od 13.12.2023. godine. Procijenjena vrijednost nabavke shodno Odluci je 512.820,51 KM bez PDV-a, odnosno 600.000,00 KM sa PDV-om.

Rješenjem Općinskog načelnika broj 02/02-04-17502/24 od 03.7.2024. godine formirana je Komisija za provođenje predmetnog postupka nabavke, od čega su tri člana Komisije predstavnici Općine, a dva člana Komisije predstavnici Grada Sarajeva. Komisija je na sjednici Komisije održanoj dana 05.07.2024. godine usvojila Poslovnik o radu Komisije za provođenje postupka predmetne javne nabavke i potpisala izjave o povjerljivosti, nepristrasnosti i nepostojanju sukoba interesa i nepostojanju drugih prepreka u skladu sa Zakonom o javnim nabavkama BiH.

Zapisnikom o otvaranju ponuda od 26.8.2024. godine Komisija je konstatovala da su u predviđenom roku, u propisno upakovanim kovertama, pristigle dvije (2) ponuda ponuđača:

1. "Centar-Han" d.o.o. Sarajevo sa ponuđenom cijenom 512.815,30 KM bez PDV-a
2. Grupa ponuđača MIH BH d.o.o. Sarajevo i Elan Trade d.o.o. Kakanj sa ponuđenom cijenom 507.894,13 bez PDV-a. Zapisnik sa otvaranja ponuda dostavljen je ponuđačima na fax- e-mail u zakonom predviđenom roku.

Nadalje, Komisija je pristupila analizi i ocjeni ponuda kojima ponuđač treba dokazati svoju kvalifikovanost za učešće u ovom postupku u skladu sa uslovima iz tenderske dokumentacije.

Na osnovu navedenog pregleda i ocjene ponuda, ponuda grupe ponuđača MIH BH d.o.o. Sarajevo i Elan Trade d.o.o. Kakanj ne ispunjava uslove tražene u tenderskoj dokumentaciji iz tačke 3.5. i 3.6. i 4.1.3. i 4.5.1. i 4.9.1. tenderske dokumentacije. Također, ponuđač u samoj ponudi nije naveo da se radi o Grupi ponuđača jer je u obrascu za ponudu naveden samo jedan ponuđač iako je na propisanom obrascu za ponudu kao napomena prilikom popunjavanja navedeno da ukoliko ponudu dostavlja grupa ponuđača upisuju se isti podaci za sve članove grupe ponuđača kao i kada ponudu dostavlja samo jedan ponuđač, a pored naziva ponuđača koji je predstavnik grupe upisuje se i podatak da je to predstavnik grupe ponuđača. Shodno navedenom, ponuda grupe ponuđača MIH BH d.o.o. Sarajevo i Elan Trade d.o.o. Kakanj je nepravilna, te je ponuda odbačena shodno odredbama člana 68. stav (4) tačka i) Zakona o javnim nabavkama.


Komisija je utvrdila da ponuda ponuđača „Centar-Han” d.o.o. Sarajevo ispunjava formalno-pravne i kvalifikacione uslove tražene u tenderskoj dokumentaciji.

Nakon što je Komisija utvrdila da je dostavljena jedna prihvatljiva ponuda, a da je obavještenjem o nabavci i tenderskom dokumentacijom bila predviđena e-aukcija, u skladu sa članom 4. stav (2) Pravilnika o uslovima i načinu korištenja e-aukcije, odlučeno je da će se predmetni postupak okončati u skladu sa članom 69. Zakona o javnim nabavkama BiH, te je dala preporuku za zaključenje ugovora sa najpovoljnijim ponuđačem ponuđaču „Centar-Han” d.o.o. Sarajevo sa ponudom u iznosu od 512.815,30 KM bez PDV-a, odnosno 599.993,90 KM sa PDV-om.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

#### **Pouka o pravnom lijeku:**

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila:  Anisa Bešagić, sekretar komisije

#### **DOSTAVITI:**

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

